

## 3. gr.

Tilgangur sjóðsins er að styrkja fátæk börn í Svarfaðardalshreppi, er missa föður sinn.

## 4. gr.

Höfuðstól sjóðsins skal ávaxta í banka eða sparisjóði. Þó getur stjórn hans gert aðrar ráðstafanir í því efni, ef þurfa þykir, en ætíð skal hún sjá um, að trygging fyrir geymslu sjóðsins og ávöxtun sé nægileg og þess vandlega gætt, að sjóðurinn verði ekki fyrir nokkru tapi. Allir vextir ásamt gjöfum og öðrum tekjum sjóðsins skulu leggjast við höfuðstólinn, þar til sjóðurinn er orðinn kr. 20000.00. Þá má verja hluta þess, sem umfram er, til styrktar föðurlausum börnum, en stofnfé sjóðsins má aldrei vera minna en áður nefnd upphæð.

## 5. gr.

Úthlutun úr sjóðnum skal alla jafna fara fram á afmælisdegi Helga, 14. marz, en ef sérstakar ástæður eru fyrir hendi, má úthluta úr sjóðnum hvenær, sem þörf krefur að mati sjóðstjórnar.

## 6. gr.

Sjóðurinn sé í umsjá Svarfaðardalshrepps og skulu reikningar hans fylgja reikningum hreppsins. Stjórn sjóðsins sé skipuð þremur mönnum. Sóknarpresturinn í Vallaprestakalli er oddamaður sjóðsins, en ný hreppsnefnd kýs að hverju sinni tvo menn í stjórnina og skal kjörtímabil þeirra vera sama og hreppsnefndar. Á sama hátt kýs hún tvo endurskoðendur sjóðsins.

## 7. gr.

Leita skal staðfestingar á skipulagskrá þessari.

## G J A L D S K R Á

### fyrir Rafveitu Patrekshrepps.

Rafveita Patrekshrepps selur raforku á þann hátt og við því verði sem hér segir:

#### A. Lýsing.

1. Um kwst.mæli á kr. 4.50 hverja kwst.
2. Um kwst.mæli á kr. 2.25 hverja kwst., auk fastagjalds er nemur kr. 18.00 á ári af hverjum fermetra í rúmi því er lýsa skal. Fullt fermetragjald skal greiðast af verzlunum, vinnustofum og skrifstofum, en fyrir geymslur, ganga og gripahús greiðast kr. 6.00 á ári.

#### B. Almenn heimilisnotkun.

1. Um kwst.mæli á kr. 1.15 hverja kwst., auk fastagjalds, er nemur kr. 10.00 á mánuði af hverju íbúðarherbergi. Í útreikningi á fjölda herbergja skal telja öll herbergi, sem ætluð eru til íbúðar og eldhús, en ekki gangar, baðherbergi, þvottahús eða geymslur. Herbergi, sem eru minni en 7 m<sup>2</sup>, skulu teljast sem hálf, og þau, sem eru minni en 5 m<sup>2</sup>, skal sleppt, en herbergi, sem eru stærri en 25 fermetrar, skulu reiknast sem tvö. Þar sem önnur ljósanotkun en til heimilisþarfa kemur inn á heimilismæli, skal af slíku húsnaði reiknast fastagjald mánaðarlega af hverjum fermetra í rúmi því, er lýsa skal, sem hér segir:
 

Af verzlunum, vinnustofum, skrifstofum o. þ. h. ....	kr. 2.50
Af geymslum, göngum, gripahúsum og öðru þ. h. ....	— 5.50

Þar sem uppsett afl er yfir 6 kw., getur rafveitan krafizt að notandi setji upp álagsvaka, eða skiptirofa til að koma í veg fyrir samtímisnotkun stærstu tækja.

### C. Vélanotkun.

1. Um kwst.mæli á kr. 2.25 hverja kwst. Minnsta árgjald skal vera kr. 400.00 á hvert uppsett kw. véla, ef aflið er yfir 1.5 kw. samanlagt. Á verkstæðum og vinnustöðum, þar sem ein mæling er fyrir ljós og vélar, skal auk þess greiðast fastagjald samkvæmt fastagjaldi í gjaldskrárlíð A 2.
2. Um afl og orkumæli (mestastraumsmæli) þannig reiknað:
  - a. Aflgjald af notuðu afli ..... kr. 1250.00 á kw. á ári.  
Minnsta árgjald skal þó ekki vera lægra en .... — 5000.00 á ári.
  - b. Orkugjald af allri notkun ..... — 0.35 hverja kwst.

Notað afl hvers almanaksárs telst vera meðaltal fjögurra hæstu álestra, en álestrar fari fram með sem jöfnustu millibili og eigi skemur en eins mánaðar. Aflnotkunin mælist sem meðalág yfir stundarfjórðung. Eftir þessum gjaldskrárlíð (2. og og b), má selja alla raforkunotkun atvinnufyrirtækja, sjúkrahúsa, skóla, veitingahúsa, samkomuhúsa og annarra slíkra staða, gegn greiðslu fastagjalds samkvæmt fastagjaldi í gjaldskrárlíð A. 2. Rafveitan áskilur sér rétt til að takmarka notkun þeirra, er eftir þessum gjaldskrárlíðum kaupa (2. a og b) í allt að tvær klst. á dag á mestu álagstímum rafveitunnar. Rafveitustjóri getur þó með leyfi rafveitunefndar samið um notkun yfir þann tíma.

### D. Hitun.

1. Um kwst.mæli á kr. 0.75 hverja kwst., enda megi þá rjúfa strauminn í allt að þrjár klst. á dag, á tímum mesta álags rafveitunnar, um hádegis og síðdegis, þó ekki lengur en um 1.5 klst. í senn.

*Önnur skilyrði fyrir raforkusölu til hitunar eru:*

- a. Að ekki þurfi að auka vélaafl, línur eða spenna vegna álagsins.
- b. Að notandinn setji upp segulrofa fyrir álagið og kosti viðhald hans. Þó getur rafveitustjóri ákveðið, að rafveitan leggi til rofa og annist viðhald þeirra, og kostar þá notandinn tengingu þeirra.
- c. Notandi greiðir leigu af rofum og klukkurofum, samkvæmt reglum, sem gilda um leigu mælitækja.
- d. Að tæki, lagnir og búnaður sé samkvæmt fyrirmælum rafveitustjóra fasttengd með sérstökum rofum og hitastillum.

### E. Önnur rafmagnsnotkun.

1. Um kwst.mæli á kr. 2.25 um vinnulagnir meðan á byggingu standur.
2. Til fasttengdra bökunarofna og annarra tækja í brauðgerðarhúsum, um tvi-gjaldsmæli á kr. 0.35 hverja kwst. í 10 klst. á sólarhring á tímanum frá kl. 22.00 til 10.00 og kr. 1.00 í 10 klst. á tímanum frá 8 til 24, enda sé straumurinn rofinn í 4 klst. á mestu álagstímum rafveitunnar, þó eigi lengur en 2 klst. í senn.

Um sölu samkvæmt þessum líð gilda sömu skilyrði og um sölu samkvæmt gjaldskrárlíð D.

3. Til gatna- og hafnarlýsingar um kwst.mæli á kr. 1.50 hverja kwst. og annast rafveitan þá rekstur og viðhald lýsingarkerfisins, en ekki nýbyggingu.
4. Til gisti- og veitingahúsa, skóla, sjúkrahúsa, samkomuhúsa og annarra slíkra staða, má selja rafmagn til suðu, hitunar og annarra fasttengdra tækja í eldhúsi, á kr. 1.25 hverja kwst. og aðra notkun eftir gjaldskrárlíð A.

5. Til hitunar á sundlaugarvatni utan topp tíma á kr. 0.35 hverja kwst.
6. Til notkunar á einstök tæki um stundarsakir, sem fengið er leyfi til að tengja inn á bæjarkerfið án mælis, svo sem rafsuður, hrærivélar og önnur tæki. Fyrir hverja tengingu greiðist kr. 250.00 auk áætlaða notkun kwst. á kr. 2.25, greiðir þá rafveitan vinnu tengingamanns. Gjöldin greiðast um leið og leyfi er fengið á skrifstofutíma rafveitunnar
7. Alla raforkunotkun, sem ótalin er og ekki kemst undir aðra liði þessarar gjaldskrár, skal selja eftir gjaldskrárlið A. 1. Þegar sérstaklega stendur á, er rafveitustjóra heimilt með samþykki rafveitunefndar að selja raforku eftir sérstökum samningi í hvert skipti, en eigi lengur en til eins árs í senn. Ef slíkum samningi er ekki sagt upp af öðrum hvorum aðila, framlengist hann af sjálfu sér um eitt ár.
8. Lágmarksorkugjald hjá hverjum notanda skal vera kr. 500.00 á ári á hverjum stað.

#### Um fasvik og rafsuðuspenna.

Framangreind raforkuverð miðist við, að fasviksstöðull álagsins hjá notanda, sé eigi lægri en 0.8. Sé hann lægri, getur rafveitan krafizt þess, að hann verði hækk- aður upp í það gildi, en þar til það er gert, greiðir kaupandi herra verð fyrir raforkuna, og fari sú hækkun eftir sérstökum ákvæðum þar um. Rafveitustjóri getur bannað uppsetningu rafsuðuspenna, nema skriflegt leyfi komi til. Hann getur takmarkað notkun rafsuðuspenna við tiltekinn tíma sólarhringsins. Þá getur hann krafizt þess, að fasviksstöðull rafsuðuspenna sé leiðréttur þannig, að hann verði ekki lægri en 0.8 og auk þess setur hann reglur um aukagjöld af rafsuðuspennum.

#### Mælaleiga.

Rafveitustjóri ákveður stærð og gerð mælitækja, sem nota skal fyrir hverja veitu, og er sú ákvörðun skuldbindandi fyrir notanda, sem skal greiða leigu af mælitækjum sem hér segir:

1. Af einfasa kwst.mælum 45 amp. og minni .....	kr. 6.00 á mánuði.
2. — þrífasa kwst.mælum 30 amp. og minni .....	— 12.00 — —
3. — þrífasa kwst.mælum 30—100 amp. ....	— 15.00 — —
4. — þrífasa kwst.mælum yfir 100 amp. (straumsp.mæl.) ..	— 25.00 — —
5. — þrífasa mestuafismælum 100 amp. og minni .....	— 45.00 — —
6. — þrífasa mestuafismælum 100 amp. og stærri (str.sp.) .	— 75.00 — —
7. — klukkum .....	— 5.00 — —
8. — tvígjaldsmælum .....	— 25.00 — —

Af öðrum tækjum skal ársleigan vera sem næst 20% af verðmæti tækisins. Leigan skal innheimt um leið og gjald fyrir raforku.

#### Heimtaugargjöld o. fl.

Af hverri húsveitu, sem tengd er við rafveitukerfið, skal greiðast heimtaugar- gjald sem hér segir:

1. Grunn gjald af loftlínuheimtaug .....	kr. 1500.00
2. Grunn gjald af jarðlínuheimtaug .....	— 2000.00

Auk grunn gjaldsins skal greiða kr. 4.00 af hverjum rúmmetra húss, allt að 700 rúmmetrum, og kr. 2.00 af hverjum rúmmetra þar yfir. Grunn gjaldið greiðist þegar sótt er um heimtaug, hinn hlutinn þegar tengingu er lokið.

Minnsta gjald skal vera kr. 2500.00 fyrir hverja heimtaug.

Sé lengd jarðlínuheimtaugar meira en 15 metrar, og lengd loftlínuheimtaugar meira en 40 metrar, mælt frá lóðarmörkum við götu, og gildleiki víra meiri en

25 mm<sup>2</sup>, greiðir húseigandi umframkostnað samkvæmt reikningi. Af þrífasa heimtaug má grunngjaldið vera 20% hærra. Ef byggja þarf sérstaka spennistöð til að fullnægja orkuþörf notanda, skal notandi leggja til húsnæði fyrir spennistöðina, rafveitunni að kostnaðarlausu.

Ef lögð er aukheimtaug eða fleiri en ein að húsi, skal notandi greiða allan kostnað við síðari heimtaugar samkvæmt reikningi.

Sá sem gerast vill notandi, eða segja upp notkun, eða breyta til um gjaldskrárlið, skal senda um það skriflega umsögn í tæka tíð til rafveitunnar. Breyting frá einum gjaldskrárlið til annars, er aðeins hægt að gera um áramót, nema þá sérstaklega stendur á.

#### Opnunargjöld. Óleyfileg vör.

1. Hafi gjöld samkvæmt gjaldskrá þessari eigi verið greidd fyrir tilskilinn tíma, sem um getur í reglugerð fyrir Rafveitu Patrekshrepps og tilgreind er á tilkynningum rafveitunnar, skal taka kr. 200.00 fyrir enduropnun veitu, ef til lokunar hefur komið vegna vanskila. Enduropnun veitu má ekki framkvæma fyrir en áfallin gjöld hafa verið greidd, eða samið um greiðsluna.
2. Ef fundin eru óleyfileg vör, eða of stór, við skoðun, skal veitunni lokað tafarlaust, og verður hún ekki enduropnuð fyrir en sá, sem ber ábyrgð á veitunni, hefur greitt kr. 50.00 á skrifstofu rafveitunnar.

#### Heimild til hækkunar.

Gjaldskrá þessa má hækka með samþykki hreppsnefndar, allt að 20% án samþykkis ráðuneytis, enda skal sú hækkun auglýst í Lögbirtingablaðinu með nægum fyrirvara.

Gjaldskrá þessi, sem rafveitunefnd Rafveitu Patrekshrepps hefur samið og hreppsnefnd Patrekshrepps samþykkt, staðfestist hér með samkvæmt vatnalögum nr. 15 frá 20. júní 1923, og raforkulögum nr. 12 frá 2. apríl 1946, til þess að öðlast gildi 1. janúar 1965 og birtist til eftirbreytni öllum þeim, sem hlut eiga að máli. Jafnframt er úr gildi numin gjaldskrá fyrir Rafveitu Patrekshrepps nr. 172 15. október 1959.

*Atvinnumálaráðuneytið, 19. desember 1964.*

**Gunnar Thoroddsen.**

*Þorv. K. Þorsteinsson.*

## REGLUGERÐ

um breyting á reglugerð nr. 112/1955, um iðnskóla.

1. gr.

37. gr. reglugerðarinnar orðist svo:  
Hver kennslustund skal að jafnaði vera 45 mínútur.

2. gr.

Reglugerð þessi gildir frá upphafi skólaárs 1965—66.

*Í menntamálaráðuneytinu. 19. desember 1964.*

**Gylfi Þ. Gíslason.**

*Birgir Thorlacius.*